



- SENAT –

Broj: 01-1-174/25

Sarajevo, 29. 01. 2025. godine

Na osnovu člana 61. Zakona o visokom obrazovanju Kantona Sarajevo („Službene novine Kantona Sarajevo“, broj: 36/22), a u vezi sa Zapisnikom o izvršenom inspekcijskom nadzoru na Univerzitetu u Sarajevu – Veterinarskom fakultetu, broj: UP-1-14-12-34-17758/24-12/08 od 18. 10. 2024. godine, u skladu sa Preporukom Odbora za nastavu i studentska pitanja Univerziteta u Sarajevu, broj: 0105-11165-5/24 od 5.11.2024. godine i Mišljenjem Odbora za normativna pitanja Univerziteta u Sarajevu, broj: 0105-640-2/25 od 23. 01. 2025. godine, Senat Univerziteta u Sarajevu je na 4. redovnoj sjednici održanoj 29. 01. 2025. godine donio *s l j e d e ć u*

ODLUKU***o izmjenama i dopunama Pravila studiranja******za prvi i drugi ciklus studija, integrisani, stručni i specijalistički studij na Univerzitetu u Sarajevu, broj: 01-15-24-1/23 od 27. 09. 2023. godine*****I**

U Pravilima studiranja za prvi i drugi ciklus studija, integrisani, stručni i specijalistički studij na Univerzitetu u Sarajevu, broj: 01-15-24-1/23 od 27. 09. 2023. godine (*u daljem tekstu: Pravila studiranja*), u članu 45. (*Dinamika i transparentnost ispita*) iza stava (7) dodaju se novi stavovi (8) i (9) koji glase:

„(8) U vezi sa postupkom provjere znanja, nastavniku/ispitivaču je zabranjeno ispitivati studenta koji je u bliskom srodstvu sa nastavnikom/ispitivačem. U slučaju da je nastavnik/ispitivač jedini profesor na predmetu, dekan je obavezan imenovati zamjenskog nastavnika/ispitivača iz iste ili srodne naučne oblasti, koji će provesti postupak provjere znanja.“

(9) Bliskim srođnicima u smislu prethodnog stava smatraju se bračni i vanbračni drug, dijete, majka, otac, usvojlac i usvojenik nastavnika/ispitivača i druga lica koja žive u zajedničkom domaćinstvu sa nastavnikom/ispitivačem.

Dosadašnji stav (9) postaje stav (10).

II

U Pravilima studiranja u članu 77. (*Disciplinske mjere*) stav (1), nakon tačke c), dodaje se nova tačka d) koja glasi: *„d) zabrana izlaska na ispit u narednih 1 do 3 ispitna termina u slučaju prepisivanja na provjerama znanja i korištenja nedozvoljenih pomagala u svrhu prepisivanja.“*

III

Ova odluka stupa na snagu danom donošenja i objavit će se na internet stranici Univerziteta u Sarajevu.

REKTOR

Prof. dr. Tarik Zaimović

Dostaviti:

- Službi za nastavu i studentska pitanja Univerziteta u Sarajevu
- Fakultetima/akademijama, putem Službe za nastavu i studentska pitanja
- U dokumentaciju Senata Univerziteta u Sarajevu
- Internet stranica Univerziteta u Sarajevu
- Arhivi